

DISSERTATIO MEDICA 26

De

ATONIA

Schwachheit der Glieder/

Quam,

Divino indultu,

P R Æ S I D E

JOHANNEDANIELE
DORSTENIO,

Medicinæ Doctore ejusdemque

Professore Ordinario.

Placidæ φιλιατρῶν discussioni submittet

Ad diem 5. Augusti, horâ 9. mat. in Medicorum Auditorio

CHRISTIANUS Schnabel/

Marburgensis Hassus.



Marburgi Cattorum,

Typis JOHANNIS HEINRICI STOCKENII,
ANNO DOMINI M DC LXXII.



I.

Quemadmodum communis partium organica-
rum s. n. est affectus Tonus, ita communis p. n.
earum est affectus Atonia.

II.

Tonus est robur partium organicarum consistens in sana
& legitima fibrarum constitutione naturali;

III.

Hinc omnium istarum, quæ alias perperam facultatibus
expultrici, retentrici &c. adscribuntur, operationum, quæ per
motum fiunt, fundamentum est.

IV.

Ita ut fibræ restrictæ expulsiōni, laxatæ retentioni suffi-
ciant.

V.

Atonia, vulgo *Schwachheit der Glieder* / est, quando
fibræ secundum suam substantiam saltem materialem mol-
liores factæ, laxantur ita, ut vix aut difficulter in debitum su-
um tonum & robur redire queant, sed pars laxa & flaccida
remaneat, & operationes vel cessent vel plus minus debiles
fiant.

VI.

Hinc distinguendum inter substantiam partium organi-
carum materialem ceu fundamentalem, & huic superinstru-
ctam conformationem mechanicam seu formalem; &

VII.

Ratio-ne istius materialis substantiæ communis est
affectus omnibus partibus organicis seu mechanicis.

VIII.

VIII.

Fundamentum utriusque hujus affectus sunt fibræ, utpote in quibus robur & fundamentum motus residet omnium partium organicarum.

IX.

Fibris enim vel simplicibus vel coagmentatis, unitis certoque modo conformatis fiunt partes organicæ.

X.

Fibrosæ istæ partes ex seminis colliquamento in utero delineantur & formantur.

XI.

Talis Atonia est in ventriculo, in primis potorum & heluorum, quia largâ quantitate vinum vel cerevisiam vel maximè triticeam (*Brenhan*) ingurgitant; unde tandem fibræ, quæ quotidie ferè nimis extenduntur laxæ & flaccidæ remanent, nec pristinum recuperare tonum queunt:

XII.

Hinc est, quòd de debili postmodum ventriculo conquerantur. *Sie hätten ein schwachen Magen.* Etiam

XIII.

Ventriculi Atonia permultorum malorum mater existit; vitia enim primæ concoctionis non corriguntur in secunda multo minus in tertia.

XIV.

Talis quoque Atonia est in vesica, quando ex diuturniore urinæ retentione vesica extenditur, ut ex læsione fibrarum excretio impediatur.

XV.

Talis quoque Atonia est in hepate, quando textura ejus organica i. e. columnæ pororum & partes ejus fibrosæ ita laxantur, ut secretio bilis aliarumque partium & legitima purificatio

purificatio sanguinis fieri nequeat ; Hinc est quod dicatur,
der hat eine schwache Leber.

XVI.

Talis quoque Atonia est in musculosis aliisque partibus nutriendis; unde vel transitus humorum circulantium, vel lymphaticarum aliarumque humidarum & mobilium vel per insensibilem transpirationem vel in nutrimentum alias abeuntium, occluditur; unde varia symptomata oriunda.

XVII.

Causæ hujus Atoniæ sunt (primò) nimia extensio & humectatio seu irroratio fibrarum partis organicæ: Extenduntur autem vel irrorantur à nimio potu vel lymphæ catarrhali.

XVIII.

Secundo, defectus spirituum animalium; spiritus enim animales radioso suo influxu tonum fibrarum juvant, & quibus deficientibus Atonia oritur.

XVIII.

Fibrarum Atonia ex nimia relaxatione optimè curatur adstringentibus, quæ inter martialia primatum ducunt.

XX.

Idem præstant aluminosa & terrea, ut & vegetabilia adstringentia, sicuti sunt tormentilla, bistorta, &c. unde confortantia optima sunt, modicè simul adstringentia.

XXI.

Atonia ex lymphæ catarrhali curatur, blandis sudoriferis appropriatis, qualia sunt sassafrata, succinata & myrrhata.

XXII.

Atonia ex spiritibus deficientibus curatur removendo causam & augendo spirituum animalium influxum, per volatilia oleoso-aromatica.